

中国边疆研究资料文库·边疆民族资料初编

西北及西南民族

中国边疆研究资料文库·边疆民族资料初编

西北及西南民族



東西勢社番記

桐城姚 榮著

東勢社番者在濁水大溪以南自溪南至蘇澳凡十六社嘉慶十五年噶瑪蘭既入版圖西勢民墾已定楊廷理乃遣三籍頭人往丈濁水溪南十六社荒埔分授漳泉粵民人開墾凡二千五百三十八甲各社番性本愚弱既歸化益不敢較於是膏腴悉爲民有通判翟淦與楊廷理議請總督汪志伊以各社近埔處所存給之大社二里小社一里謂之加留餘埔仍官爲召佃以三籍頭人爲佃首經理收租按社計丁而分給之社番坐受焉共丈得一千二百五十五甲二分自十五年至二十二年次第墾成造冊詳定其制

漳佃首二人原分埔地七百六十二甲七分三釐四毫七絲九忽每甲定租四石年額納番租三千零五十石九斗三升九合配社十二

加禮宛社距城十六里通事一曰龜劉土目一曰武歹加禮番丁男婦四百五十三口

流流社距城十四里土目一曰武歹奪番丁男婦九十八口

掃笏社距城十四里通事一曰武濼大里滑土目一曰富籠番丁男婦三百三十一口

芭老鬱社距城十四里土目一曰阿返番丁男婦九十二口

歪仔歪社距城十四里土目一曰奪眉黨番丁男婦九十六口

貓里府煙社即馬荖武煙社距城十五里土目一曰武裂末加眼番丁男婦一百一十九口

南排者社即馬魯煙社距城十五里土目一曰比蘭番丁男婦九十三口

武罕社距城十五里土目一曰丸敏番丁男婦一百三十三口

打那美社即打納美社距城十五里土目一曰那眉貓荖番丁男婦二百零四口

卜方壹齊興也後沙

再心史

東西勢社番記一

一百八十一 南清河王氏鑄版

打那學社即打郎巷社土目一日那爻擔武郎番丁男婦一百零八口

猴猴社距城二十五里土目一日單伯番丁男婦一百二十四口

其澤簡社距城二十里土目一日那爻甲武烈番丁男婦一百口

泉佃首一人原分埔地三百八十三甲四分八釐九毫三絲六忽每甲定租四石年額納番租一千五百

三十三石九斗五升七合配社三

奇武巷社距城二十五里通事一日斗氏打嚙媽土目一日遠嚙劬令番丁男婦四百四十口

里腦社即里巷社距城二十里土目二日喇喇哈喇嚙曰八里抵氏番丁男婦一百八十三口

婆羅新仔宛社距城十六里土目二日武歹龜劉曰打那罔施八番丁三百七十一口

粵佃首一人原分埔地一百三十五甲四分零七毫八斗三升一合五勺二秒合配社一

珍珠美簡社距城二十里土目二日芥力素馬幹曰劬勞包依力氏番丁男婦二百四十八口

以上東勢番十六社通事三人土目十九人番丁男婦三千三百零七口無總理即以三個首一社丁約

束之

西勢社番者在濁水大溪之北自溪北至烏石港凡二十社未入版圖之先茹毛飲血蓬髮露體男女莫別婚姻無時野合擇配聽人自便不識五倫不諳歲序以花開紀四時打牲爲飯業間有漢人教之耕種稻穀以爲寶貴以短刀代犁鋤并無牛隻間織樹皮僅蔽下體其富者惟知蓄積蝦米花布又俗重金鯉魚以銅綫編成形如新月佩之出入羣以爲豔羨矣不重銀錢與人無犯各社自立頭人不相統屬嘉慶元年漢人吳沙率眾入蘭佔墾西勢各社首被侵奪殆盡十五年歸沐○○王化始赴官控理已爲民人先報陞科不能給還知府楊廷理乃舉漢人爲各社總理設立通事土目約束社眾造報丁冊教以人事

雍髻著衣始知置備耕牛農具漸通漢人語言亦知愛重銀錢烹調飲食矣惟倫常祭葬婚姻尚沿舊習
今紀道光元年各社通土番丁之數以備考焉

哆囉美遠社距城十二里通事一人曰八寶籠土目一人曰鑿仔番丁男婦二百四十三口

打馬煙社距城二十二里土目曰遠老思問番丁男婦一百二十六口

奇立板社距城十里土目曰敏碌番丁男婦八十一口

藤里目罕社距城十里番耆曰那眉番丁男婦四十一口

擺離社距城五里土目曰厨瑤番丁男婦一百零二口

珍仔滿力社距城五里土目曰奪孝礮番丁男婦二百三十八口

抵美福社距城六里土目曰阿返番丁男婦一百四十九口

流流社距城二里土目曰龜劉沙簡番丁男婦七十口

藤之鎖社距城四里番耆曰阿綱吻番丁男婦四十二口

仔罕社距城四里土目曰阿綱合必舟番丁男婦三百零八口

抵美抵美社距城八里土目曰武禮把老番丁男婦七十二口

踏踏社距城八里土目曰武歹番丁男婦一百六十一口

高東社距城八里番耆曰龜劉番丁男婦九十八口

打那岸社距城八里土目曰武歹夏馬述番丁男婦四十四口

奇武暖社距城六里土目曰芥力番丁男婦六十七口

奇蘭武蘭社距城十二里土目曰謝馬抵番丁男婦四十九口

辛仔羅罕社距城二里土目曰龜劉武朗番丁男婦八十九口

綦立丹社距城十四里番耆曰武歹吧老鬱番丁男婦六十八口

抵把葉社距城十四里土目曰阿綱番丁男婦五十口

抵美簡社距城二十里土目曰敏碌番丁男婦六十二口

以上西勢二十社番通事一人土目十六人番丁二千二百六十二口以番總理一人社丁一人管束之嘉慶十六年總督汪志伊奏噶瑪爾東西勢社番前皆不諳耕作是以埔地聽漢人佔墾爾來與漢人相習日久漸知耕種惟番性愚不知積蓄恐荒埔分盡地不加闢將來社番生齒日繁未免生計日絀是以楊廷理原議大社周圍加留餘埔二里小社加留餘埔一里茲據鎮道府議請東勢幾穆勞等十七社令通事土目將社番自耕田園栽樹爲內界不許漢人墾耕其加留餘埔一里二里之外亦栽樹爲外界准贖給漢人開墾呈官立案按年完納番租免其陞科其西勢哆囉美遠等二十社羣處沿海一帶沙崙之上西勢番埔久爲民人開墾不能再留餘埔應將現在沙崙餘埔自烏石港口起至東勢界止約長三十餘里寬一二里不等永爲西勢番業不許民人過溪越墾如番社人少情願贖給民人開墾亦照東勢之例呈官立案完納番租免其報陞庶東西勢番社各安其業日久相安奏入○○上許之西勢加留沙埔久未及行道光元年署通判姚瑩乃督西勢番總理林興邦社丁張金標通事八寶籠會同各社土目勘定西勢加留沙埔自烏石港起至東勢濁水溪止沙崙埔六百二十四甲四分一釐七毫二絲餘原存奇立板貓里路罕流流等社地及各社自田一百二十八甲七分零外實存沙埔地四百九十五甲七分零二毫八絲西勢大小二十社統計番丁二千二百七十七口按丁分配每丁得地二分一釐七毫七絲定明界址分交各土目收掌并繪造圖冊詳司其制乃定

臺北道里記

桐城姚 登著

舊說臺灣南至澎湖北至雞籠綿亘一千七百餘里以臺澎爲中路鳳山爲南路嘉漳淡水爲北路今噶
瑪蘭新闢又過雞籠極北越三貂大嶺轉折而南至蘇灣爲界計增幅員一百餘里其南路仍舊余以辛
巳年正月入關乃記北路道里於左

臺郡出北門五里柴頭港有塘汎又二里洲仔尾居民頗稠三里三嵌店有溪二道一由鯉魚潭出一由
大穆降出會流至鹽埕出海有汎又一里許臺嘉二邑交界十里木柵有汎民居小村市十五里曾文民
居稠密有溪卽灣里也有汎又五里茅港尾民居街市頗甚有汎并館舍十里鐵綫橋有汎十里汲水溪
有塘十里下茄苳大村市館舍有大汎駐守備一員十里八漿溪有汎十里水堀頭有溪不甚大有汎五
里樹頭有汎十里嘉義縣城文職知縣一員教諭訓導典史各一員武職都司一員千總一員自嘉義北
門五里殺狗溪五里打貓霧大村市有汎十里大埔林民居稠密有汎五里興化店有溪五里他里霧大
莊市有溪有汎五里榕仔腳有溪五里鹿場溪嘉彰交界十里西螺大市有汎駐把總一員有溪出柑香
美異他柑五里三條圳卽俗歌字土人讀如凌凡三道水盛時非舟不渡十里東螺溪三里斗寶大村
市卽舊東螺也民居稠密街市整齊有汎五里茉莉莊五里關帝亭廟宇甚新峻前有僧能詩而還俗矣
五里大埔心民居小村舍多盜匪其東北沿山卽下林仔東南沿海爲二林皆匪巢也五里築固橋五里
燕霧五里茄苳腳皆有汎五里口莊五里彰化縣城南門文職知縣一員教諭一員典史一員武職北路
協副將一員都司一員守備一員縣北有八卦山陳周全之亂文武官固守八卦山城陷失守卽斯地也
今新城重建復於山上砌小縣城爲援工甫竣自縣東北五里茄苳腳五里大渡溪有村市五里龍目井
五里烏瓦窰五里沙路有汎五里牛罵頭民居稠有街市館舍七里青埔前入淡水界自嘉義之下茄苳

小方查齋題也葦沙

存心失

臺北道里記一

一百八十三 南清河王氏稿

—上海善易堂印行

至是一百五十餘里皆平壤山水清秀出膏腴人殷富洵沃土也入淡水界則沙瘠矣入界一里大甲溪溪廣數重水盛時一望無際下皆亂石溪流湍激舟筏一不慎卽入海不返每大雨後行者必守溪數日水退乃敢渡八里大甲街民居頗稠駐巡檢一員外委一員自大甲西去八里卽大坡海口也自大甲北行五里大坡溪十里坊裏溪有汛十里椿梢街市有溪汛館舍五里五里椿梢園五里望高寮五里白沙崙有汛駐外委一員五里烏梅崎毗連打那拔有溪七里後壠民居街市稠密館舍甚整潔有汛駐千總一員稽查海口是夕上元居民張燈甚樂後壠北行五里山仔頂五里中港街有汛外委一員巡查海口五里魯衛崎一名蟻姑崎兩邊皆山蓋如峽矣五里望高寮三厘香山有汛八里竹塹園竹爲城四門民居約二千餘戶淡水同知駐此同城教諭一員嘉慶二十三年初立學宮修尙未竣巡檢一員兼司獄都司一員守備一員都司署前較場不甚大學宮卽在其南每逢操閱鎗礮轟震殊非安侑先聖之所而土人土以地理家言貪較場地吉而置有司惑而從之過矣竹塹北行三里金門厝有溪渡十里鳳山崎山甚平廣袤十里爲大湖口又名糞箕湖涸湖也十里枋碑十里楊梅樾大村市有汛駐把總一員五里頭重溪十里中樞街民居稠有汛十里內寮脚十里桃園大村市山水清秀田土膏腴恍如江南道上矣十里龜崙頂有汛五里大邱園小溪數重兩邊皆山八里龜崙脚七里新莊大村市民居約近千家駐縣丞一員有汛五里渡大溪至艇舡途中山水曲秀風景如畫擺接十三莊在其東南爲北路第一勝境艇舡民居鋪戶約四五千家外卽八里盆口商船聚集圍圍最盛淡水倉在焉同知歲中半居此蓋民富而事繁也駐水師遊擊一員守備一員由艇舡東水程二十里卽八里盆海口設滬尾一營與內地五虎門對渡自郡至艇舡皆北行由艇舡以上乃東北行十里錫口有街市五里南港入山沿山屈曲其港水自三貂內山出上自暖暖下達滬尾十里水返腳小村市水返腳者臺境北路至此而盡山海折轉而東出臺

灣山後故名過此天山嶺迎日東行十五里爲一堵山再北過五堵七堵八堵凡十里至暖暖地在兩山之中俯臨深溪有矮舢小舟土人山中伐木作薪炭枋料載往艇舢舖民六七家皆編籬葺草甚湫隘每歲館道北巡及○○欽使所經皆宿於此蓋艇舢以上至噶瑪斯頭圍凡三日程皆山徑固無館舍耳暖迎日東行二里許稍平廣可三百餘畝居民四五家散處三里至砬內渡溪北岸東行二里楓仔灘復過溪南岸仍東行三里至魚柳坑過渡沿山二里伽石路甚險窄土人白蘭始開鑿之奇其事以爲神所使云二里至三貂嶺下俗云三貂仔有汛四里茶仔潭過渡水深無底有小店爲往來食所三里則三貂嶺矣盤石曲磴而上凡八里至其嶺嶺路初開窄徑懸磴甚險肩輿不能進草樹蒙翳仰不見日色下臨深澗不見水流惟聞聲淙淙終日如雷古樹怪鳥土人所不能名猿鹿之所遊也藤極多長數十丈無業之民以扯藤而食者數百人山界廣約數十里內藏生番其外熟番有社及街市在楊廷理所開路東因其路迂遠人不肯行故多由此舊路云嶺上極高俯瞰雞籠在嶺東南海波湧觀音燭臺諸嶼八尺門清水澳跌死幾坑那裏鼻諸險皆瞭然如掌蓋北路山之最高矣下嶺八里牡丹坑本名武丹坑武鎮軍隆剛改今名有民壯戍守險於此護行旅以防生番也六里藤坑口過渡六里頂雙溪有渡八里魚仔有溪八里下雙溪過渡爲遠望坑民壯寮里許至三貂大溪西淡水界東噶瑪蘭界嘉慶十六年總督汪志伊奏定過溪迤北轉東八里半嶺四里草嶺十里下嶺至大里筒民壯寮則山後矣自此以下皆東面海爲蘭北境沿海南行十里番寮寮七里大溪五里梗枋皆有隘設了防護生番四里至北關有汛駐外委一員八里烏石港水自叭哩沙噴出至此入海與龜山海中相對山形如龜首北而尾南港口沙綫一道如蛇土俗以爲天生元武之象建真武廟祀之港門眷開秋寒蓋乘南北風爲通塞內地及雞籠艇舢一帶小船每乘南風進港蘭地惟產米穀自貨皆仰給於外隔山難通故賴小船出入以濟百物有歐

小丁丁

寫七記

影北道里記二

一百八十四 南濱河王氏橋

塞守港以防海寇更二里乃至頭圍二十五里則五圍蘭城矣

知不足齋
PDG

噶瑪蘭本名蛤仔難在淡水東北三貂雞籠大山之後社番地也三面負山東臨大海三貂金面按其左
龜芝蘇澳草嶺控其右員山玉山枕其後自山至海寬廣不及四十里自三貂溪南至烏石港三十餘里
皆山石無地自烏石港至蘇澳山下綿亘不及百里然一望平曠溪港分注實天生沃壤也其始番居不
知開闢處深林水窟之中捕魚打鹿而已康熙中卽有漢人興通市易蓋玉霖鹿州集周宣子諸羅縣
志皆已載之乾隆三十三年民人林漢生始召眾入壘爲番所殺後或再往皆無成功五十三年林爽文
平淡水同知徐夢麟署府事乃爲臺灣府楊廷理言漳州人吳沙可信用及蛤仔難生番易於招撫楊議
上之巡撫徐嗣曾以界外地恐疊番舛弗許吳沙旣入壘懼獲罪嘉慶二年赴淡水請給札招撫同知何
茹蓮予之沙出私單招佃每地五甲爲一張犁取番銀二十助鄉勇費沙死四年其眾詭名蘇長發赴省
請墾藩司劉斌檄府察之淡水同知李明心議以蛤仔難遠在淡水三貂以外距淡城五百里深林密箐
疊嶂重樹鳥道紆迴人迹罕至三十六社生番性同烏獍勿許便時杖已去藩司李長森從之六年沙子
光裔及何繪稍隆盛柯有成等請復如前議置之然三籍人眾亦未議逐出山封禁民壘自若也繪等多
方求爲業戶不克十一年海寇蔡牽至烏石港欲取其地使人通謀共壘眾患之賊舟有幼童被擄者乘
間登岸遇其父匿之賊索不得揚言且滅頭圍眾益懼頭人陳奠邦吳化輩相與謀令通賊官兵必討不
如拒之且以爲功乃夜定計集鄉勇并各社番伏岸上爲備賊猶未覺晨入市貨物眾乃縛之得十三人
并賊目賊聞之怒連帆進攻眾斷大樹塞港賊不得進拒敵久之賊敗去化等乃以所擒賊獻將軍賽沖
阿聞乃有該虛膏腴爲蔡逆窺伺之奏夏四月奉○命官兵相機籌備猶未議開也七月楊廷理以事
戍伊犁返復授知府召見問狀廷理奏蛤仔難當開不宜棄置貽邊患○上使馳驛至閩與督撫商之

未吳十二年七月海賊朱潰大載農棋泊蘇澳謀奪溪南地爲賊巢五圍頭人陳奠邦等遣人告急廷理乃與南澳鎮王得祿水陸赴援先是漳人盡得有西勢地柯有成何繪陳奠邦賴岳吳化吳光齋六人爲之董事而東勢之強者獨潘賢文處羅東社自羅東以南至蘇澳數十里朱潰謀奪之以啤嘰紅布散給東西勢各社番有漳人李祐陰結黨與通廷理乃以札諭柯有成潘賢文七人曉以大義以啤嘰十板紅布五百疋番銀千餅資眾番賢文大悅民咸踴躍乃設木柵於海口各出器械巡邏捕通賊者祐黨懼擊妻子入於賊舟賢文復獲海寇黃善等七人以獻有黃竈者大股賊目也遁於蛤仔難爲黃姓所匿廷理索之黃姓縛竈出獻於是蛤仔難民競出治道以迎廷理時鎮道以地叵測檄勿往廷理勿從九月九日自艋舺入山四日而至五圍蛤仔難嚮多雨秋以後山海氣蒸瘴雲暝合及楊至而羣蜂開齋民以爲祥集耆老撫慰之眾皆鼓舞聽命義首林永福翁清和等願率精壯効用朱潰踞蘇澳港內之南澳王得祿以舟師進至港口港內寬外狹賊以巨纜纏鐵鏈橫沈港口林永福等番勇千二百人穿山開路以達蘇澳合舟師潘賢文以眾斷賊樵汲戊午得祿以舟師進攻賊於蘇澳廷理率林永福等自澳後夾攻之賊大敗突出官軍截擊焚賊舟三沈其大舟一獲二舟賊以十六艘順流東遁廷理安撫其民而歸言於將軍賽冲阿請設官丈陸田園弗許旋去府任又力言之將軍令與署府鄒翰議之十二年春乃奏請設屯而免其陞科部駁中止十二月少詹事閩人梁上國上言蛤仔難出土平曠豐饒每爲海盜窺伺前朱潰蔡牽皆欲佔之俱爲官兵擊退若收入版圖不特絕洋盜窺伺之端且可獲海疆之利并條奏其狀甚悉

○上命總督阿林保巡撫張師誠議之阿林保乃以同知徐汝瀾署臺守詣勸徐仍如賽冲阿議十四年正月○上諭阿林保曰蛤仔難居民現已聚至六萬餘人且盜賊窺伺時能知協力備禦殺賊深明大義自應收入版圖豈可置之化外况其地又膏腴素爲賊匪覬覦若不官爲經理妥協防守設算爲賊

匪佔踞豈不成其巢穴更添臺灣肘腋之患乎該督撫其熟籌定議如何設官安立廳縣或用文職或用武營隨宜斟酌期於經久乃善梁上國招內教及蔡逆賊船近至蘇澳時先率眾上岸有番人與鬪居民吳氏擒獲數賊以獻賊始驚潰而去嗣朱潰竄往亦經居民與官兵夾攻敗賊如此出力從前曾否奏明施恩彼時如曾擒獻賊犯即當加之獎賞亦此時收撫之要著也時以漳泉分類械鬪未及行十五年總督方維甸過稟治之既定乃謀此事至艋舺有蛤仔難番土目包阿里率噶里阿完等社番迎見呈送戶口清冊遵○制薙髮請入版圖并請設立通事以免熟番侵凌又有民人何繪等呈請已墾田地照則陸科設官彈壓分定地界維甸大悅生番各予獎賞傳民番面詢其狀乃覆奏曰淡水玉山之後地名噶瑪蘭係番語閩音不正訛爲蛤仔難其地三面距山東臨大海平原寬廣形若半規南有蘇澳可進大船北有烏石港僅容小艇中有濁水大溪出山東注原在噶里阿完社東旁入海近年故道淤淺正溜北徙繞過員山逕五圍之東由烏石港入海民人所居自五圍之外尙有員山溪洲羅東湯園柴園大湖園三十九結園都美鶴園勞勞園下溪洲幾穆撈辛那罕等處及園外零戶濁水溪故道之北盡爲漳人開墾十之七八故道之南係泉人粵人開墾又有岸裏社阿里史社阿東社東螺社牛罵頭社熟番遷居其中荒埔尙未全墾此噶瑪蘭地勢情形也當令總兵武隆阿知府楊廷理勘查覆稱噶瑪蘭南北約長六七十里東西約寬二三十里不等漳人四萬二千五百餘丁泉人二百五十餘丁粵人一百四十餘丁熟番五社九百九十餘丁歸化生番三十三社四千五百五十餘丁未墾荒埔應請分出地界何處令何籍民人開墾何處令何社番開墾分畫公平以杜爭執已墾田地上量墾科其員山東北地處適中可以設官安營頭圍爲水陸扼要之處應設分汛臣查噶瑪蘭田土膏腴米價較賤流寓日久又有朱潰幫內散去餘黨及逃兇逸犯潛匿其中前年漳人亦與泉人械鬪熟番互相黨護泉人爲漳人所困大半避出以強

凌弱相習成風良善民番皆思設官納賦若竟置之化外恐臺灣日後或添肘腋之患饋道會議皆以設官經理為宜然該處數十年為○○王化所不及一日繩以法度亦不能立就安貼知府楊廷理丁憂巡檢胡桂於情形最為熟悉臣已令其清查田中分割地界俟其查明會同撫臣詳議具奏四月初五日楊廷理入山請定章程十八則丈繩一具以行何繪等始猶謀為業戶廷理不許令各結首分領墾單自往丈量經三月始畢乃草其節略具報時維旬已去閩汪志伊繼之檄臺澎道張志緒與廷理覆勘十六年三月廷理至郡定議九月汪志伊與巡撫張師誠酌定條例以聞

噶瑪蘭地勢東面海西南北三面皆山所在生番出沒自設官後沿山次第設隘以壯丁守之二十一二年間猶有生番逸出殺人今則防堵益密林木伐平沿山皆成隘田而居民安堵矣自三貂入噶瑪蘭首境為遠望坑民壯藜在焉始用以開道繼以護送行人過遠望而南為大里簡設民壯藜與遠望同

自大里簡以南乃沿山設隘各有田園數十甲以為口糧 礮梗枋 烏石港 金面山 白石 湯園

柴園 三圍 四圍一結 四圍二結 四圍三結 旱溪又名枕頭山 大湖 叭哩沙喃 鹿埔 清

水溝 崩山 員山莊 馬賽 施八坑設新 以上共隘地十九所北自梗枋南至施八坑不過稟界外

數百甲之地免其陞科隘丁貪利盡力守之而蘭民無番患焉

埔裏社紀略

桐城姚 鑒著

埔裏社者臺灣彰化縣之歸化番社也其地在彰化東南山內爲社二十有四府志所載曰埔裏曰決裏曰毛啐曰貓丹曰社仔曰木扣曰木武郡曰子黑曰子希曰劉略曰懋懋曰田仔曰貓蘭曰田頭曰思順曰挽蘭曰外斗截曰水眉裏曰內斗截曰內眉裏曰平來萬曰致霧曰哆喀喇曰福骨凡二十四社埔裏特其一耳距縣治九十餘里中隔大山路徑崎曲難通其入社之道有二南路自水沙連沿網口大溪東行越獅子頭山至集集鋪廣盛莊更越山東行十里至水裏社之菜園又北逾雞騰嶺萃菁林竹仔林十五里而至水裏之頭社地頗平廣皆番墾成田甚熟更進八里則爲水社中有大潭廣可七八里潭中有小山名珠仔山番皆遶山而居番俗六考所謂青嶂白波雲水飛動海外別一洞天者也潭之東岸爲割骨社西岸則水裏本社其番頗饒裕善種田能識屬毯番皆白哲伎好府志稱之遠潭更北行逾山七里至貓蘭社又北五里至沈鹿地頗寬廣迤西復入山凡十里谷口極狹幾於一丸可封最爲險要名曰隘口過此以北始爲埔裏大社地勢平闊周圍可三十餘里南北有二溪皆自內山出南爲濁水溪源北則烏溪源也烏溪爲入社北路自彰化縣東之北投北行過草鞋墩至內木柵阿發埔渡溪東北行至火燄山下五里過大平林入山十里逾內龜洋至外國勝埔更渡溪而南二十五里至埔裏社自水沙連入可兩日程北路爲近然常有兇番出沒人不敢行故多從水沙連入水沙連則番社之久輸貢賦者也蓋埔裏乃界外番社例禁越壑故漢人圖墾則假名於水沙連耳相傳埔裏社東東北越山五日行即通噶瑪蘭東南則奇來及秀姑蘭一帶番俗六考云水沙連屬番二十餘社各依山築居山谷巖路徑崎嶇惟南北兩湖沿岸堪往來外通斗六門竹腳寮乃各社總路隘口通事築室居焉余謂南北兩湖即網口與烏溪也斗六門爲嘉義所轄距彰化屬水沙連頗遠蓋萬斗六之訛耳府志言康熙六十年阿里山水沙小方壹齋與也皆沙

第凡快

埔裏社紀略一

一百七十八

南清柯王氏編

連各社乘亂殺通事以叛六十一年邑令孫魯多方招徠示以兵威賞以煙布銀乃就撫自後無聞焉乾隆五十三年開屯各社遵設屯丁水裏埔裏二社內有屯田一百餘甲其番自耕田亦百餘甲未墾荒埔無數嘉慶十九年有水沙連隘丁首黃林旺結嘉彰二邑民人陳大用郭百年及臺府門丁黃里仁貪其膏腴價已故生番通事土目赴府言積欠番餉番食無資請將祖遺水裏埔地踏界給漢人佃耕知府某許之大用隨出承墾先完欠餉約墾成代二社永納餘給社番取糧食倘地土肥沃墾成田園甲數仍請陞科以裕○國課二十年春遂給府示并飭彰化縣予照使墾然未之詳報也其受約者僅水沙連社番而已二十四社皆不知所爲郭百年既得示照遂擁眾入山先於水沙連界外社仔墾番埔三百餘甲由社仔侵入水裏社再墾四百餘甲復侵入沈鹿築土圍墾五百餘甲三社番弱莫敢較已乃僞爲貴官率民壯佃丁千餘人至埔裏社壘土爲城黃旗大書開墾社番不服相持月餘乃謀使番割詐稱罷墾官兵即日撤回使壯番進山取鹿茸爲獸乘其無備大肆焚殺生番男婦逃入內隘峯巖而噤者半月得番串鼻熟牛數百未串鼻野牛數千粟數百石器無數聞社中風俗番死以物殉葬乃發掘番冢百餘每家得鎗刀各一既奪其地築土圍十三木城一益召佃墾畝番無歸走依眉社赤坎而居先是漢番相持饑道微有所聞使人偵之皆還報曰野番自與社番鬪耳社番不請耕作口食無資漢佃代墾以充糧食又人寡弱倚漢爲援故助之所殺者野番也二十一年冬武備軍陸阿逸閱臺北悉其事嚴詰之於是彰化縣令吳性誠請諭墾戶驅逐眾佃出山而奸民持臺府示不遵有希府中指者言漢佃萬餘所費工資甚鉅已成田園一日遂之恐滋變性誠上言曰臺地逼近內山道路叢雜深林密箐一經准墾人集日多竊恐命盜兇犯從而潤迹倘招集亡命肆行無忌奈何且此埔素爲生番打鹿之場即開墾後明定界址而奸貪無厭久必漸次私越雖番性愚蠢而兇悍異常一旦棲身無所勢必挺而走險大啓邊畔不若乘未深

埔里社紀略

